



古今類腋

人倫
人事

八

13
1802
8



門 4 3
號 1802
卷 8

新選古今類腴卷之十五

人倫類

君臣

父子

兄弟

夫婦

朋友

君臣

坤文言曰。陰雖有美。含之以從王事。弗敢成也。地道也。妻道也。臣道也。○泰彖曰。上下交而其志同也。○蹇爻曰。王臣蹇蹇。匪躬之故。○繫辭曰。有天地。然後有萬物。有萬物。然後有男女。有男女。然後有夫婦。有夫婦。然後有君臣。有君臣。然後有上下。有上下。然後禮義有所錯。



八頁史

古今類月
大禹謨曰。后克艱厥后。臣克艱厥臣。政乃乂。黎民德。○太甲曰。一人元良。萬邦以貞。君罔以辨言亂政。臣罔以寵利居成功。邦其永孚於休。○洪範曰。此辟作福。惟辟作威。惟辟玉食。臣無有作福作威。玉食臣之有作福作威。玉食。其害于而家。凶于而國。○君陳王曰。爾有嘉謨嘉猷。則入告爾后於內。爾乃順之于外。曰。斯謨斯猷。惟我后之德。嗚呼。人臣咸若時。惟良顯哉。○呂刑曰。穆穆在上。明明在下。灼於四方。罔不惟德之勤。

大雅卷阿曰。鳳凰鳴矣。于彼高岡。梧桐生矣。于彼朝陽。萋萋萋萋。雖雖喈喈。○烝民曰。天監有周。昭假於下。保茲天子。生仲山甫。

左傳樂共子曰。民生於三。事之如一。父生之。師教之。君食之。非父不生。非食不長。非教不知。生之族也。故一事之。唯其所在。則致死焉。報生以死。報死以力。人之道也。臣敢以私利廢人之道。君何以訓矣。○齊桓公曰。天威不遠。顏咫尺。小白余敢貪天子之命。無拜。恐墮越於下。以遺天子羞。敢不下拜。下拜登受。此天

王賜之胙令
勿拜故云云

周襄王曰。夫政自上下者。上作政而下行之。不逆。故
上下無怨。今叔父作政而不行。無乃不可乎。夫君臣
無獄。今元咺雖直。不可聽也。君臣皆獄。父子將獄。是
無上下也。而叔父聽之。一逆矣。又謂臣殺其君。其安
庸刑。布刑而不庸。再逆矣。一合諸侯。而有再逆政。余
惧其無後也。不然。余何私於衛侯。○君人執信。臣人
執共。忠信篤敬。上下同之。天之道也。○君能制命為
信。能承命為信。信載義而行之。為利。謀不失利。以

衛社稷。民之主也。義無貳信。信無貳命。

晉使解揚。宋使無降。

楚子得而賂之。使反其言。不許。將殺之。故揚云。

○晏子曰。君民者。豈以陵民。

社稷是主。臣君者。豈為其口實。社稷是養。故君為社

稷死。則死之。為社稷亡。則亡之。若為已死。而為已亡。

非其私暱。誰敢任之。○君正臣從。謂之順。君僻臣從。

謂之逆。

緝衣曰。為上可望而知也。為下可述而志也。則君不

疑于其臣。而臣不惑于其君矣。○上人疑。則百姓惑。

下難知。則君長勞。故君民者。章好以示民俗。慎惡以

御民之淫。則民不惑矣。臣儀行。去聲不重辭。不援其所不及。不煩其所不知。則君不勞矣。

管子曰。人主者。擅生殺。處威勢。操令行禁止之柄。以御其群臣。此主道也。人臣者。處卑賤。奉主令。守本任。治分職。此臣道也。故主行臣道則亂。臣行主道則危。故上下無分。君臣共道。亂之本也。○為人君者。下及官中之事。則有司不任。為人臣者。上供專於上。則人主失威。是故有道之君。正其德以蒞民。而不言智能聰明。智能聰明者。下之職也。所以用智能聰明者。上

之道也。上之人明其道。下之人守其職。上下之分。不同任。而復合為一體。○先其君以善者。侵其賞而奪之實者也。元其君以惡者。侵其刑而奪之威者也。訛言於外者。脅其君者也。鬱令而不宣者。幽其君者也。國語曰。事君者。竭力以從事。不聞違命。君立臣從。何貳之有。

國策曰。明主愛其國。忠臣愛其君。荀子曰。合符節。契券者。所以為信也。上好權謀。則臣下百吏。誣詐。人乘是而後欺。探籌投鈎者。所以

為公也。
縣者所

曲私則臣下百吏乘是而後偏衡石稱也。上好傾覆則臣下百吏乘是而後

險斗斛

所以為積也。上好貪則臣下百吏乘

是而後豐

正義之臣設則朝廷不頗諫爭輔拂之

人信則君

不遂。爪牙之士施則仇讐不作。邊境之

臣處則疆

不喪。○爵祿盈而忠衰於君。

韓非子

也其所欲君見其所欲臣將自雕琢

君無見其

也其意臣將自表異。○主利在有能

者任官。臣利在無能而得事。主利在有勞而爵祿。臣

利在無功而富貴。主利在豪傑使能。臣利在朋黨用

私。是以國地削而私家富。主上卑而大臣重。○賢者

之為人臣。北面委質。無有貳心。朝廷不敢辭賤。軍旅

不敢辭難。順上之為。從主之法。虛心以待令。而無是

非也。故有口不以私言。有目不以私視。而上盡制之。

呂覽曰。凡人主以好慕示能。人臣以不諍持位。是君

臣皆不定也。耳雖聞不可以聽。目雖見不可以視。心

雖知不可以舉。則君臣之三官皆不定矣。○上良之

使馬也。審之以控其轡。而四馬莫不正。君之于臣亦

有轡。在正其名而審之已。堯舜君臣不獨義。湯武君臣不獨忠。得其數也。桀紂君臣不獨鄙。幽厲君臣不獨辟。失其理也。

說苑曰。邢蒯賁欲死。莊公之難。其僕曰。君之無道也。四夷諸侯莫不聞也。以夫子而死之。不亦難乎。邢蒯賁曰。善能言也。然亦晚矣。子早言。我能諫之。諫不聽。我能去。今既不諫。又不去。吾聞食其祿者。死其事。吾既食亂君之祿矣。又安得治君而死之。○臣事君。猶子事父也。子為父死。無所恨。守節不移。雖有鈇鉞湯鑊之誅而不懼也。尊官顯位而不榮也。

史蔡澤曰。主聖臣賢。天下之盛福也。君明臣直。國之福也。父慈子孝。夫信妻貞。家之福也。故比干忠而不

能存殷。子胥智而不能完郢。申生孝而晉國亂。是皆有忠臣孝子而國滅亂者。何也。無明君賢父以聽之。故天下以其君父為僂辱。而憐其臣子。蓋商君吳起大夫種之為人臣是也。其君非也。○為人子者。毋以有已。為人臣者。毋以有已。○君先而臣從。父先而子

從。此老子語。孔子之言。

儒林傳黃生語轅固生曰。冠雖敝。必加於首。履雖新。必關於足。何者。上下之分也。

太史公自序曰。人主天下之儀表也。主倡而臣和。主先而臣隨。則主勞而臣逸。

魏陳思王求自試曰。論德而授官者。成功之君也。量能而受爵者。畢命之臣也。故君無虛授。臣無虛受。

三國名臣贊曰。夫未遇伯樂。則千載無一驥。時值龍顏。則當年控二傑。

宋禮志王處之曰。王者之於四海。無非臣妾。雖復父

兄之親。師友之賢。皆純臣也。

後魏張袞曰。昔樂毅杖策於燕。昭公遠委身於魏。武蓋命世。雖可期。千載不易遇。遭風雲之會。不建騰躍之功者。非人豪也。

隋列傳論曰。君猶天也。天可讐乎。是以有罪歸刑。見危授命。竭忠貞以立節。不臨難而苟免。

唐高季輔曰。君臣之道。期於相體。不恤其匱。而須其廉正。恐饑寒之切。夷惠不能全其行也。稍加廩賜。使

宋黃葆光對徽宗曰。君尊如天。臣卑如地。剛健者。君之德。其道不可屈。柔順者。臣之分。其義不可亢。苟致屈以求合。則傷仁。非所以馭下。驕亢以求伸。則犯分。非所以尊君。

程子曰。君貴明不貴察。臣貴正不貴權。○天地不相遇。則萬物不生。君臣不相遇。則政治不興。

胡五峰曰。寡欲之君。然後可與言王道。無欲之臣。然後可與言王佐。○自三代之道不行。君臣之義不明。君誘其臣以富貴。臣驕其君以文行。夫君臣相與之

際。萬化之原也。既汨於外矣。未流其可禁乎。此三代之治。所以不復也。

羅從愿曰。君明。君之福。臣忠。臣之福。君明臣忠。則朝廷又安。得不謂之福乎。

文膾曰。天下之奇士不常有。而天下之明君不世出。天之降才也。千夫而一人。才之遇主也。千載而一君。自古及今。遺逸之賢常多。而知賢之君常寡。則奇才之難得。又不若明君之難得也。

陳建論常遇春節。高皇曰。漢高祖功臣。多起豐沛。

光武諸將。半出南陽。蓋帝王啓跡之地。天必儲精聚靈。使英雄謀畧之士。生乎其間。以備其驅策而為之。股肱羽翼。稽古驗今。其揆一也。
楊慎瓌語曰。驂騑有千里之足。造父有千里之手。遇也。小駟而獲晉惠。長纏而累東野。不遇哉。○作器者。無良材而有良匠。治國者。無能臣而有能君。勝者所用。敗者之基也。與國所用。亡國之臣也。
潘府南山素言曰。天地德合而萬物生。君臣德合而萬事立。○明君出而中國尊。賢臣用而朝廷重。

父子

蠱爻曰。幹父之蠱。有子。考无咎。厲終吉。象曰。幹父之蠱。意承考也。○幹父之蠱。用譽。象曰。幹父用譽。承以德也。○家人彖曰。家人有嚴君焉。父母之謂也。○係辭曰。乾。天也。故稱乎父。坤。地也。故稱乎母。
康誥曰。子弗祗服厥父事。大傷厥考心。于父不能字厥子。乃疾厥子。○蔡仲命曰。爾尚克蓋前人之愆。惟忠惟孝。爾乃邁迹。自身克勤無怠。以垂憲乃後。率乃祖文王之彞訓。無若爾考之違王命。

父子

魏風陟岵曰陟彼岵音戶兮瞻望父兮父曰嗟予子行

役夙夜無已上慎旃哉猶來無止○陟彼岵起音戶兮瞻

望母兮母曰嗟予季行役夙夜無寐上慎旃哉猶來

無棄○小雅小弁曰維桑與梓必恭敬止靡瞻匪父

靡依匪母不屬于毛言我豈不屬于毛不離于裏也毛裏而不愛我乎

○小宛曰我心憂傷念昔先人明發不寐有懷二人

○蓼莪曰父子生我母子鞠我拊我畜我長我育我

顧我復我出入腹我欲報之德昊天罔極○四牡曰

周道委遲豈不懷歸王事靡盬我心傷悲王事靡盬

不遑將父王事靡盬不遑將母靡盬不堅固也靡盬

思也無公義非孝子也無私思非忠臣也○無父何怙無母何恃出則銜

恤入則靡至○大雅既醉曰孝子不匱永錫爾類其

類維何室家之壺同閭君子萬年永錫祚胤

左傳狐突曰子之能仕父教之忠古之制也策名委

質貳乃辟也今臣之子名在重耳有年數矣若又召

之教之貳也父教子貳何以事君刑之不濫君之明

也臣之願也淫刑以逞誰則無罪○宋有司曰子雖

齊聖不先父食父矣故禹不先鯀湯不先契文武不

先不窳。○里克謂申生曰。且子懼不孝。無懼弗得立。脩已而不責人。則免於難。○公入而賦大隧之中。其樂也融融。姜出而賦大隧之外。其樂也洩洩。遂為母子如初。鄭公遷其母誓曰。不及黃泉無相見。後聞風悔悟。乃隧而見之。○石碻曰。賤妨貴。少陵長。遠間親。新間舊。小加大。淫破義。所謂六逆也。君義臣行。父慈子孝。兄愛弟敬。所謂六順也。順效逆。所以速禍也。為宋公寵州吁而言。○穀梁傳曰。孝子揚父之美。不揚父之惡。文王世子曰。知為人子。然後可以為人父。○父沒而

不能讀父之書。手澤存焉爾。母沒而杯圈不能飲焉。口澤之氣存焉爾。○祭義曰。身也者。父母之遺體也。行父母之遺體。敢不敬乎。居處不莊。非孝也。事君不忠。非孝也。蒞官不敬。非孝也。朋友不信。非孝也。戰陣無勇。非孝也。五者不遂。戕及於親。敢不敬乎。○樂正子曰。民之本教曰孝。其行孝曰養。養可能也。敬為難。敬可能也。安為難。安可能也。卒為難。父母既沒。敬行其身。無遺父母惡名。可謂能容矣。○孝有三。小孝用力。中孝用勞。大孝不匱。思慈愛忘勞。可謂用力矣。尊

仁安義。可謂用勞矣。博施備物。可謂不匱矣。○樂正子春下堂而傷其足。數月不出。猶有憂色。門弟子曰。夫子之足瘳矣。數月不出。猶有憂色。何也。樂正子春曰。善如爾之問也。善如爾之問也。吾聞諸曾子。曾子聞諸夫子曰。天之所生地之所養。無人為大。言無如人為最大父母全而生之。子全而歸之。可謂孝矣。不虧其體。不辱其身。可謂全矣。故君子頃步而弗敢忘孝也。今予忘孝之道。予是以有憂色。○曾子曰。君子之所謂孝者。先意承志。諭父母于道。參直養者也。安能為孝乎。○父母將沒。將為善。思貽父母令名。必果。將為不善。思貽父母羞辱。必不果。○夫孝置之而塞乎天地。溥之而橫乎四海。施諸後世而無朝夕。○孝子之事親也。有三道焉。養則觀其順也。喪則觀其哀也。祭則觀其敬而時也。盡此三道者。孝子之行也。○一舉足而不敢忘父母。是故道而不徑。舟而不游。不敢以先父母之遺體行殆。一出言而不敢忘父母。是故惡言不出于口。忿言不及於身。不辱其身。不羞其親。可謂孝矣。○祭統曰。孝也者。畜也。順于道。不逆于倫。

孝經曰。夫孝始於事親。中於事君。終於立身。○君子之事親孝。故忠可移於君。

管子曰。惠者。主之高行也。慈者。父母之高行也。忠者。臣之高行也。孝者。子婦之高行也。主惠而不懈。則民奉養。父母慈而不懈。則子婦順。臣忠而不懈。則爵祿至。子婦孝而不懈。則美名附。

晏子曰。父慈而教。子孝而箴。

荀子曰。妻子具而孝衰於親。○君子有三恕。有君不能事。有臣而求其使。非恕也。有親不能報。有子而求

其孝。非恕也。有兄不能教。有弟而求聽令。非恕也。士明於此三恕。則可以端身矣。○勞苦彫瘁。而能無失其敬。災禍患難。而能無失其義。不幸見惡。而能無失其愛。非仁人莫能行。○入孝出弟。人之小行也。上順下篤。人之中行也。從道不從君。從義不從父。人之大行也。

呂覽曰。人主孝。則名章榮。下服聽。臣孝。則事君忠。臨難死。士民孝。則耕耘疾。守戰固。○父母之於子也。子之於父母也。一體而兩分。同氣而異息。若草莽之有

華實也。若樹木之有根心也。神出乎中。而應乎心。兩精相得。豈待言哉。○父母生之。子弗敢殺。父母置之。子弗敢廢。父母全之。子弗敢闕。賈誼新書曰。事君之道。不過於事父。故不肖者之事父也。不可以事君。慈民之道。不過於愛其子。故不肖者之愛其子也。不可以慈民。說苑曰。賢父之於子也。慈惠以生之。教誨以成之。養其義。藏其偽。時其節。慎其施。子年七歲以上。父為之擇明師。選良友。勿使見惡。少漸之以善。使之早化。○

孔子曰。昔舜事瞽叟。索而使之。未嘗不在側。索而殺之。未嘗可得。小箠則受。大箠則走。今曾子委身待暴怒。以陷父不義。不孝孰大乎。此曾子鋤瓜事○申鳴曰。始吾父之孝子也。今吾君之忠臣也。吾聞之。食其食者。死其事。受其祿者。畢其能。今吾以不得為父之孝子矣。乃君之忠臣也。吾何得以全身。援枹鼓之。遂殺白公。其父亦死。王賞之金百斤。申鳴曰。食君之食。辟君之難。非忠臣也。定君之國。殺臣之父。非孝子也。名不可兩立。行不可兩全也。如是而生。何面目立於天下。遂

自殺也。

揚子曰。石建。石奮。父子之美也。無是父。無是子。無是子。無是父。

漢高帝詔曰。人之至親。莫親於父子。故父有天下。傳歸於子。子有天下。尊歸於父。此人道之極也。

宣帝詔曰。父子之親。天性也。雖有禍患。猶蒙死而存之。誠愛結於心。仁厚之至也。豈能違之哉。

班固曰。父子之間。人所難言。

桓寬曰。善養者。不必芻豢也。善供服者。不必錦繡也。

以己之所有。盡事其親。孝之至也。故匹夫勤勞。猶足以順禮。歡菽飲水。足以致其敬。

齊王僧度曰。重華無嚴父。放勳無令子。亦各由己耳。顏之推曰。父子之嚴。不可以狎。骨肉之愛。不可以簡。簡則慈孝不接。狎則怠慢生焉。

隋孝義傳論曰。呂覽云。夫孝三皇五帝之本務。萬事之紀綱也。執一術而百善至。百邪去。天下順者。其惟孝乎。然則孝之為德至矣。其為道遠矣。其化人深矣。唐孝行傳載韓愈論曰。父母疾。烹藥餌。以是為孝。未

聞毀及支體者也。苟不傷義，則聖賢先衆而為之。雖
然委巷之陋，非有學術禮義之資，能忘身以及其親，
出於誠心，亦足稱者。

五代唐李從璟不肯父贊曰：無父烏生，無君烏以為
生。而世之言曰：為忠孝者，不兩全。夫豈然哉？君父人
倫之大本，忠孝臣子之大節，豈其不相為用，而又相
害者乎？抑私與義而已耳。蓋以其私則兩害，以其義
則兩得。

宋羅從愿曰：父慈，父之福；子孝，子之福。父慈子孝，則
家道隆盛，得不謂之福乎？

明張司空曰：甚矣世之衰也。家有市而國都不與焉，
莫親於父子，而以失業相怨；莫懿於兄弟，而以氣勢交
陵；莫昵於妻妾，而以豐約為悲歡；莫狎於奴僕，而以
盛衰為向背。又何駟僮之足云乎？故遨不治田，嘗見
誚讓矣。身為天子，而與仲比力，乃翁親執掃除之役。
漢高祖此父子之市也。結髮游學，四十餘年，身不得遂，
及為齊相，遍召昆弟數之曰：始吾貧時，兄弟不我衣
食，今我相齊，迎我或千里，乃與之絕。母復入門。主父

此兄弟之市也。賣薪自給。恥而乞去。出守會稽。而去妻伏謁道左。隨以詣郡。朱買臣妻此妻妾之市也。從游至燕。嚙不得意。欲去易水之上者。數矣。既其貴顯。賜金不及。而自言。此蘇秦之僕見本傳此奴僕之市也。

兄弟

舜典曰。象傲克諧以孝。蒸蒸乂。不格姦。○康誥曰。于弟弗念天顯。乃弗克恭厥兄。兄亦不念鞠子哀。大不友于弟。空曰其六世之末也

小雅棠棣曰。棠棣之華。鄂不韡韡。凡今之人。莫如兄

弟。○死喪之威。兄弟孔懷。原隰裒矣。兄弟求矣。○

令鴿在原。兄弟急難。○兄弟鬩于墻。外禦其侮。○

亂既平。既安且寧。雖有兄弟。不如友生。○

飲酒之飫。兄弟既具。和樂且孺。○何人斯曰。伯氏吹

壘。仲氏吹篪。○頌弁曰。爾酒既旨。爾殽既嘉。豈伊異

人。兄弟匪他。○角弓曰。此令兄弟。綽綽有裕。不令兄

弟。交相為瘡。也病○黃鳥曰。此邦之人。不可與明。言旋

言歸。復我諸兄。○唐風杖杜曰。豈無他人。不如我同

父。○魏風陟岵曰。陟彼岡兮。瞻望兄兮。兄曰嗟予弟

兄弟

古今類史 卷五 行役夙夜必備。上慎旃哉。猶來無死。

左傳惠伯曰。喪親之終也。雖不能死。善終可也。史佚

有言曰。兄弟致美。救乏。賀善。弔災。祭敬。喪哀。情雖不

同。母絕其愛。親之道也。子無失道。何怨於人。○鄭莊

公曰。寡人有弟。不能和協。而使糊其口於四方。○王

召士季曰。今我王室之一二兄弟。以時相見。將蘇和

協典禮以示民訓。○襄王曰。兄弟雖有小忿。不廢懿

親。○胡傳曰。王者以善養人。推其所為。使百姓興于

仁而不偷也。况以惡養天倫。使陷于罪。因以剪之乎。

○兄弟無絕道。雖非之而不去也。君子以叔肝為通

恩。

曲禮曰。兄弟之仇。不反兵。○王制曰。兄之齒。德鴈行。

朋友不相踰。○檀弓曰。成人有兄死。而不為衰者。聞

子臯將為成宰。遂為衰。

孝經曰。敬其兄。則弟悅。

晏子曰。兄愛而友。弟敬而順。

新書曰。事長之道。不過於事兄。故不肖者之事兄也。

不可以事長。使下之道。不過於侍弟。故不肖者之使

弟也。不可以接下。

白虎通曰。兄者况也。况父法也。弟者悌也。心順而行。篤也。男子先生稱兄。后生稱弟。凡有白于父兄。父兄許之。乃行。父兄不聽。即止。

丁鴻讓封于弟。鮑駿責之曰。昔伯夷吳札。亂世權衡。故得申其志耳。春秋之義。不以家事廢王事。今子以兄弟私恩。而絕父不滅之基。可謂智乎。

陳太丘曰。元方難為兄。季方難為弟。

中論曰。蒼梧芮娶妻美。而以讓其兄。欲以為讓也。則不如無讓焉。○兄先而弟從。長先而少從。

顏之推曰。兄弟者。分形連氣之人也。方其幼也。父母左提右挈。前襟後裾。食則同案。衣則傳服。學則連業。遊則共方。雖有悖亂之人。不能不相愛也。及其壯也。各妻其妻。各子其子。雖有篤愛之人。不能不少衰也。姊姒之比兄弟。則踈薄矣。今使踈薄之人。而節量親厚之恩。必不合矣。

李華曰。誰無兄弟。如手如足。

廣訓曰。兄弟者。父子之紀也。以其有親恩連也。

夫婦

恒爻曰恒其德貞婦人吉夫子凶象曰婦人貞吉從一而終也夫子制義從婦凶也○小畜爻象曰夫妻反目不能正室也○蒙爻曰見余夫不有躬無攸利○家人彖曰女正位乎內男正位乎外男女正天地之大義也○爻曰家人嗃嗃悔厲吉婦子嬉嬉終吝象曰家人嗃嗃未失也婦子嬉嬉失家節也○王假有家交相愛也程傳曰夫受其內助婦受其外○睽彖曰男女睽而其志通也○繫辭曰男女構精萬物化生○夫婦之道不可以不乂也故受之以恒

牧誓古人有言曰牝雞無晨牝雞之晨惟家之索今商王受唯婦言是用

周南關雎曰關關雎鳩在河之洲窈窕淑女君子好逑○螽斯曰螽斯羽詵詵兮宜爾子孫振振兮○鄭風鷄鳴曰女曰鷄鳴士曰昧旦子興視夜明星有爛將翱將翔弋鳧與鴈○邶風擊鼓曰死生契濶與子成說執子之手與子偕老

左傳申繻曰女有家男有室無相瀆也謂之有禮易

夫婦

古今類史

卷五

二

第六

此必敗。○婦人迎送不出門。見兄弟不踰闕。○男而
賢也。得淑女以為配。則自家刑國。可以移風俗。女而
賢也。得君子以為歸。則承宗廟。奉祭祀。能化天下以
婦道。○胡傳曰。以妾媵為夫人。徒欲尊寵其所愛。而
不虞卑其身。以妾母為夫人。徒欲尊貴其所生。而不
虞賤其父。卑其身。則失位。賤其父。則無本。○諸侯不
再娶。於禮無二適。○往逆則稱王后。從天王所命。示
天下之母儀也。既歸。何以稱季姜。從父母所子。化天
下以婦道也。○絕不為親。禮也。夫絕不為親。即凡人
耳。哀公問曰。妻也者。親之主也。敢不敬與。子也者。親
之後也。敢不敬與。君子無不敬也。敬身為大。身也者。
親之枝也。敢不敬與。○外言不入於捆。內言不出於
捆。同閨○郊特牲曰。婦人從人者也。幼從父兄。嫁從夫。
夫死從子。夫也者。以知帥人者也。○婦人無爵。從夫
之爵。坐以夫之齒。○昏義曰。成婦禮。明婦順。又申之
以著代。所以重責婦順也。婦順備。而後內和理。內和
理。而後家可長久也。古者天子后立六宮。三夫人。九
嬪。七十一世婦。八十一御妻。以聽天下之內治。以明

章婦順。故內治而家理。天子立六官。三公九卿。二十七大夫。八十一元士。以聽天下之外治。以明章天下之男教。故外和而國治。故曰。天子聽男教。后聽婦順。天子理陽道。后治陰德。天子聽外治。后聽內職。教順承裕。外內和順。國家治理。此之謂盛德。○天子之與后。猶日之與月。陰之與陽。相須而後成者也。天子修男教。父道也。后修女順。母道也。故曰。天子之與后。猶父之與母也。○男女有別。而後夫婦有義。夫婦有義。而後父子有親。父子有親。而後君臣有正。

國語。姬曰。夫得寵而忘舊。不義。好新而慢故。無恩。與人勤於隘厄。富貴而不顧。無禮。君棄此三者。何以使人。雖妾亦無以待執巾櫛。○杞梁妻曰。夫婦人必有所倚者。父在則倚父。夫在則倚夫。子在則倚子。今吾上則無父。中則無夫。下則無子。內無所倚以見吾誠。外無所倚以見吾節。吾豈能更二哉。亦死而已。○貞姬曰。忠臣不惜人以力。貞女不假人以色。豈獨使生者若此。於死者亦然。○家語曰。男子者。任天道。而長萬物者也。是故審其倫。

而明其別。女子者。順男子之教。而長其理者也。是故無專制之義。而有三從之道。

晏子曰。夫和而義。妻柔而正。

韓非子曰。夫婦者。非有骨肉之恩者。愛則親。不愛則疏。語曰。其母好者。其子抱。然則其為之反也。其母惡者。其子釋。丈夫年五十。而好色未解也。婦人年三十。而美色衰矣。以衰美之婦人。事好色之丈夫。則身見疏節。而子疑不為後。

白虎通曰。夫者。扶也。以道扶接也。婦者。服也。以禮屈服也。○何謂妻為齊。與夫齊體。自天子下至庶人。其妻一也。妾者。接也。以時接見也。

文中子曰。婚姻而論財。夷虜之道也。君子不入其鄉。古者男女之族。各擇德焉。不以財為禮。

史外戚傳曰。自古受命帝王。及繼體守文之君。非獨內德茂也。蓋亦有外戚之助焉。夏之興也。以塗山。而祭之。放也。以妹喜。殷之興也。以有莘。而紂之殺也。嬖妲己。周之興也。以姜原。而幽王之禽也。淫於褒姒。故易基乾坤。詩始關雎。書美釐降。春秋訊不親迎。夫婦。

之際。道之大倫也。

漢郭后紀曰。物之興衰。情之起伏。理有固然矣。而崇替去來之甚者。必惟寵惑乎。當其接床第。承恩色。雖險情贅行。莫不德焉。及至移意愛。析燕私。雖惠心妍狀。愈獻醜焉。愛升則天下不足容其高。歡隊故九服無所逃其命。

曹世叔女誡曰。夫婦之道。參配陰陽。通達神明。信天地之私義。人倫之大節。夫不賢則無以御婦。婦不賢則無以事夫。夫不御。則威儀廢缺。婦不事夫。則

義禮隨闕。

隋烈女傳曰。夫稱婦人之德者。皆以柔順為先。斯乃舉其中庸。未臻其極者也。至於明識遠圖。貞心峻節。志不可圖。惟義所在。考之圖史。亦何世而無哉。

來濟曰。王者立后。配天地。象日月。以承宗廟。以母天下。宜擇禮義名家。幽閑令淑。副四海之望。稱神祇之意。

宋倪思曰。人之治國。必自齊家始。家之不齊者。不能防其漸也。始於褻狎。終於恣橫。至於陰陽易位。內外

無別。

真德秀曰。夫之道在敬身。以帥其婦。婦之道在敬身。以承其夫。

遼烈女傳曰。男女居室。人之大倫。與其得烈女。不若得賢女。天下而有烈女之名。非幸也。詩贊衛共姜。春秋褒宋伯姬。蓋不得已。所以重人倫之變也。

金后妃傳載班昭語曰。婦德不必才明絕異也。婦言不必便口利辭也。婦容不必顏色美麗也。婦功不必工巧過人也。清閑貞靜。守節整齊。行已有耻。動靜有法。是謂婦德。擇辭而說。不道惡語。時然后言。不厭於人。是謂婦言。盥浣塵穢。服飾鮮潔。沐浴以時。身不垢辱。是謂婦容。專心紡績。不好嬉笑。潔齊酒食。以奉賓客。是謂婦功。

薛文清曰。男女之情。天下之至情。聖人能適其情。故家道正而人倫明。

章懋上武宗謹大婚疏曰。必有關雎鵲巢之德。葛覃。樛木之行。足以母儀萬國。表正六宮。然後定后妃之位。以正天下之本。以對上天之不顯休命。則禮行告。

廟史無愧辭。非惟古訓不違。尤於孝道有光。儀刑四海。垂法萬世。而文王二南之化。復見於今日矣。

朋友

坤卦曰。西南得朋。東北喪朋。○無交而求。則民不與也。

小雅棠棣曰。雖有良朋。况也永歎。言不來急其難。必湏兄弟也。○

車牽曰。雖無好友。式燕且喜。○邶風匏有苦葉曰。招

招舟子。人涉卬否。人涉卬否。卬湏我友。卬冀望也。

左傳曰。同官為寮。吾嘗同寮。敢不盡心乎。○胡傳曰。

君子有更相汲引。交好以為公。小人有互相朋黨。比

周以為私。其迹雖同而情異。不可不察也。

曲禮曰。見父之執。不謂之進。不敢進。不謂之退。不敢

退。○交遊之仇。不同國。○君子不盡人之歡。不竭人

之忠。以全交也。○儒行曰。僚友稱其弟也。執友稱其

仁也。交游稱其信也。

家語曰。白頭如新。傾蓋如故。

晏子曰。正士之義。其交友也。論身義行。不為苟戚。不

同則踈。而不排不毀。邪人之行。交友苟合。不以道持。

朋友

自三

諛巧。比姦邪。夸體貌。○君子贈人以軒。不若以言。今夫蘭本三年而成。湛之苦酒。君子不近。庶人不佩。湛之糜醢。而賈匹馬矣。所蕩然也。嬰聞之。君子居必擇居。游必就士。汨常移質。不可不慎。

荀子曰。同游而不見愛者。吾必不仁也。交而不見敬者。吾必不長也。臨財而不見信者。吾必不信也。○得賢師而事之。則所聞者。堯舜禹湯之道也。得良友而友之。則所見者。忠信敬讓之行也。○士有妬友。則賢交不親。君有妬臣。則賢人不至。

呂覽曰。同氣賢於同義。同義賢於同力。同力賢於同居。同居賢於同名。

白虎論曰。朋者。黨也。友者。有也。同門曰朋。同志曰友。一人有善。其心好之。一人有惡。其心惡之。貨則通而不計。共憂患而相救。生不屬。死不託。

說苑曰。上士可以托色。中士可以托辭。下士可以托財。

文中子曰。以勢交者。勢傾則絕。以利交者。利窮則散。○聞謗而怒者。讒之囿也。見譽而喜者。佞之媒也。絕。

因去媒。讒佞遠矣。

樂毅曰。古之君子。交絕不出惡聲。忠臣去國。不潔其

名。

平原君語秦昭王曰。貴而為友者為賤也。富而為交

者為貧也。言富貴而結交者為有貧賤之時也

馮驩對孟嘗君曰。夫物有必至。事有固然。生者必有

死。物之必至也。富貴多士。貧賤寡交。事之固然也。若

獨不見夫朝趨市者乎。明旦側肩爭門而入。日暮之

後。過市朝者掉臂而不顧。非好朝而惡暮。所期物忘

其中。今君失位。賓客皆去。不足以怨士而徒絕賓客

之路。願君遇客如故。忘無也。其中朝市之中言日暮物盡故掉臂不顧也

汲黯鄭當時史斷曰。夫以汲鄭之賢。有勢則賓客十

倍。無勢則否。况衆人乎。下邳程公有言。始程公為廷

尉。賓客闐門。及廢。門外可設雀羅。程公復為廷尉。賓

客欲往。程公乃大署其門曰。一死一生。乃知交情。一

貧一富。乃知交態。一貴一賤。交情乃見。汲鄭亦云。悲

夫。

吳王遣應高。詭膠西王曰。同惡相助。同好相留。同情

相成。同欲相趨。同利相死。

張耳陳餘論曰。張耳陳餘始居約時。相然信以死。豈
顧問哉。及據國爭權。卒相滅亡。何鄉者相慕用之誠。
後相倍之戾也。豈非以利哉。名譽雖高。賓客雖盛。所
由殆與秦伯。延陵季子異矣。

蔡邕曰。富貴則人爭趨之。貧賤則人爭去之。是以君
子慎人所以交已。審已所以交人。富貴則無暴集之
客。貧賤則無棄舊之賓。故原其所以來。則知其所以
去。見其所以始。則知其所以終。

朱穆絕交論曰。交道之難。未易言也。世稱管鮑。次則
王貢。張陳。凶其中。蕭朱。隙其末。故知全之者鮮矣。

游雅論高允曰。知人固不易。人亦不易知。鍾期上聽
於伯牙。夷吾見明於鮑叔。良有以也。

晉阮子政論曰。夫文游者。儔黨結於家。威權傾其國。
或以利厚而比。或以名高而求。同則譽廣。異則毀深。
朝有兩端之議。家有不協之論。至父子不同好。兄弟
異交友。破和穆之道。長爭訟之原。

唐李絳曰。朋黨者。尋之則無迹。言之則可疑。小人常

以利動。不顧忠義。君子者。遇主知則進。疑則退。故常為奸人所乘。夫聖人同迹。賢者求類。是同道也。非黨也。趨利之人。常為朋比。同其私也。守正之人。常遭構毀。違其私也。

宋歐陽脩曰。君子以同道為朋。小人以同利為朋。小人所好者利祿。所貪者財貨。當其同利之時。暫相黨引。以為朋者偽也。及其見利而爭先。或利盡而反相賊。雖兄弟親戚。不能相保。君子則不然。所守者道義。所行者忠信。所惜者名節。以之脩身。則同道而相益。以之事國。則同心而共濟。

程子曰。責善之道。要使誠有餘。而言不足。則於人有益。而在我者無自辱矣。

張子曰。人之有朋友。不為燕安。所以輔佐其仁。今之朋友。擇其善柔以相與。拍肩執袂。以為契合。一言不合。怒氣相加。朋友之際。欲其相下不倦。故於朋友之間。主於敬者日相親。

范華陽曰。與賢於己者處。則自以為不足。與不如己者處。則自以為有餘。自以為不足。則日益。自以為有

古今類聚 卷十五 餘則日損。

謝上蔡曰。申頹自謂不可一日無侯無可。或問其故。曰無可能攻人之過。一日不見。則吾不得聞吾過矣。游廣平曰。古人無友不如已者尚友之道也。求得賢者尚而友之。則聞其所不聞。見其所不見。而德日進矣。此仲尼所以期子夏之日進也。胡五峰曰。能攻人實病者至難也。能受人實攻者為尤難。人能攻我實病。我能受人實攻。朋友之義其庶幾乎。不然其不相陷而為小人者幾希矣。

新選古今類聚卷之十六

人事類

冠

婚

喪

祭

邪正

禍福

交際

器用

宮室

飲食

冠

鴟鳩曰。淑人君子。其帶伊絲。其帶伊騏。騏馬

青黑色言弁之色如此

左傳。晉侯以公宴於河上。問公年。季武子對曰。會於沙隨之歲。寡君以生。晉侯曰。十二年矣。是謂一終。一星終也。歲星十二歲而一周矣國君十五而生子。冠而生子。禮。

也。君可以冠矣。大夫盍為冠具。武子對曰。君冠必以
裸享之禮行之。以金石之樂節之。以先君之祧處之。
今寡君在行。未可具也。請及兄弟之國而假備焉。晉
侯曰。諾。公還及衛。冠於成公之廟。假鍾磬焉。○傳稱
男子二十而冠。冠而列丈夫。○趙文子冠。見樂武子。
武子曰。美哉。昔吾逮事莊主。趙朔華則榮矣。實之不
知。請務實乎。見中行宣子。宣子曰。美哉。惜也。吾老矣。
不及見其所至見范文子。文子曰。而今可以戒矣。夫賢者寵
至而益戒。不足者為寵驕。先王疾是驕也。見卻駒伯。

駒伯曰。美哉。然不若老者多矣。特年自矜見韓獻子。

獻子曰。戒之。此謂成人。成人在始與善。始與善。善進
善。不善蔑由至矣。始與不善。不善進不善。善亦蔑由
至矣。如草木之產也。各以其物。人之有冠。猶宮室之
有墻屋也。糞除而已。何又加焉。見知武子。武子曰。吾
子勉之。成宣之後。而老為大夫。非耻乎。欲其備德為卿成子
之文。宣子之忠。其可忘乎。夫成子道前志以佐先君。
道法而卒以政。可不謂文乎。夫宣子盡諫於襄靈。以
諫取惡。不憚死進也。可不謂忠乎。吾子勉之。有宣子。

之忠。而納之以成子之文。事君必濟。見苦成叔子。叔子曰。抑年少而執官者衆。吾安容子。見溫季子。季子曰。誰之不如。可以求乎。不敵其高遠也見張老而語之。張老曰。善哉。從欒伯之言。可以滋。范叔之教。可以大。韓子之戒。可以成。物備矣。志在子。若夫二郤亡人之言。何稱述焉。知子之道善矣。是先主覆露子也。言成宣之澤冠義曰。冠而後服。服而後容。體正。顏色齊。辭令順。故曰。冠者禮之始也。是故古者聖王重冠。古者冠禮。蓋日筮賓。所以敬冠事。敬冠事所以重禮。重禮所以

以為國本也。故冠於阼以著代也。醮於客位。三加彌尊。加有成也。已冠而字之。成人之道也。見於母。母拜之。見於兄弟。兄弟拜之。成人而與為禮也。玄冠玄端。奠摯於君。遂以摯。與贊同用見於鄉大夫。鄉先生以成人見也。成人之者。將責成人禮焉也。責成人禮焉者。將責為人子。為人弟。為人臣。為人少者之禮行焉。將責四者之行於人。其禮可不重與。故孝悌忠順之行立。而後可以為人。可以為人。而後可以治人也。故聖王重禮。故曰。冠者禮之始也。嘉事之重者也。是故古

者重冠。

白虎通曰。冠者。憊也。所以憊持其髮也。○弁之言。樊也。所以樊持其髮也。○冕所以前後遂延者何。示進賢。退不能也。垂旒者。示不現邪。纁塞耳。示不聽讒也。

○天子麻冕。朱綠藻垂。十有二旒者。法四時十二月也。諸侯九旒。大夫七旒。士爵弁無旒。

屈原曰。新沐者必彈冠。新浴者必振衣。

文中子曰。冠禮廢。天下無成人矣。婚禮廢。天下無家

道矣。喪禮廢。天下遺其親矣。祭禮廢。天下忘其祖矣。

○為冠所以莊其首。

匡衡曰。適子冠乎阼階。衆子不得與列。所以貴正體而別嫌疑也。非虛加其禮文而已。

婚

此爻曰。匪冠婚媾。女子貞。不字。十年乃字。○歸妹彖曰。歸妹。天地之大義也。天地不交而萬物不興。歸妹人之終始也。歸者女之終生。育者人之始。○爻曰。歸妹愆期。遲歸

有時。象曰。愆期之志。有待而行也。○帝乙歸妹。其君之袂。不如其姊之袂良。姊媵。妾言尚德。不尚飾也。

舜典曰。女于時。觀厥刑於二女。釐降二女于馮汭。嬪于虞。

國風匏有苦葉曰。雝雝鳴鴈。旭日始旦。士如歸妻。迨冰未泮。○南山曰。析薪如之何。匪斧不克。娶妻如之何。匪媒不得。○東山曰。倉庚于飛。熠熠其羽。之子于歸。皇駮其馬。親結其縈。九十其儀。其新孔嘉。其舊如之何。○大雅大明曰。大邦有子。倪天之妹。文定厥祥。親迎於渭。造舟為梁。不顯其光。○大雅韓奕曰。韓侯迎止。于蹇之里。百兩彭彭。八鸞鏘鏘。不顯其光。諸娣從之。祁祁如雲。韓侯顧之。爛其盈門。

左傳曰。公子荆之母嬖。將以為夫人。使宗人釁夏獻其禮。對曰。無之。公曰。女為宗司。立夫人。國之大禮也。何故無之。對曰。周公及武王娶於薛。孝惠娶於商。自桓以下。娶於齊。此禮也。則有。若以妾為夫人。則固無其禮也。○齊侯使晏嬰請繼室於晉。曰。寡君不腆。先君之適。以備內官。焜耀先人之望。則又無祿。早世隕命。寡人失望。君義不忘先君之好。惠顧齊國。辱收寡人。徵福於太公丁公。照臨敝邑。鎮撫其社稷。則猶有

先君之適。及遺姑姊妹。若而人。君若不棄敝邑。而辱使董鐸擇之。以備嬪嬙。寡人之望也。韓宣子使叔向對曰。寡君之願也。寡君不能獨任其社稷之事。未有伉儷。在衰絰之中。是以未敢請。君有辱命。惠莫大焉。○晉侯有疾。子產曰。僑聞之內官不及同姓。其生不殖。美先盡矣。則相生疾。君子是以惡之。志曰。買妾不知其姓。則卜之。違此者。古之所慎也。男女辨姓。禮之大司也。今君內實有四姬焉。其無乃是也乎。若由是二者。弗可為也已。○凡公女嫁於敵國。姊妹則上卿送之。公子則下卿送之。于大國。雖公子亦上卿送之。于天子。則諸卿皆行。公不自送。于小國。則上大夫送之。○禮送女。父不下堂。母不出祭門。諸母兄弟不出闕門。父戒之曰。謹慎。從爾舅之言。母戒之曰。謹慎。從爾姑之言。諸母般甲之曰。謹慎。從爾父母之言。○胡傳曰。娶妻必親迎。禮之正也。若夫邦君以爵。則有尊卑。以國則有大小。以道途則有遠邇。或迎之於其國。或迎之於境上。或迎之於所館。禮之節也。曲禮曰。男女非有行媒。不相知名。非受幣。不交。不親。

故日月以告君。齋戒以告鬼神。為酒食以召鄉黨僚友。以厚其別也。○郊特牲曰。天地合而萬物生焉。故昏禮。萬世之始也。取於異姓。所以附遠厚別也。幣必誠。辭無不腆。告之以直信。信事人也。信婦德也。○昏義曰。昏禮者。將合二姓之好。上以事宗廟。而下以繼後世也。故君子重之。是以昏禮。納采。問名。納吉。納徵。請期。皆主人。延几於廟。而拜迎於門外。入揖讓而升。聽命於廟。所以敬慎重。正婚禮也。○婦順者。順於舅姑。和於室人。而后當於夫。以成絲麻布帛之事。以審守委積。蓋藏。○古者婦人先嫁三月。祖廟未毀。教于公宮。祖廟既毀。教于宗室。教以婦德。婦言。婦功。教成。祭之。牲用魚。芼之以蘋藻。所以成婦順也。大戴禮曰。子孫娶妻嫁女。必擇孝弟。世世有行仁義者。是則其子孫慈悌孝愛。不敢淫暴。黨無不善。三族輔之。故鳳凰生而有仁義之意。虎狼生而有貪戾之心。嗚呼。戒之哉。

韓嬰曰。夏殷五世之後。則通婚姻。周公制禮。百世不通。所以別禽獸也。

說苑曰。鮑宣嘗就少君父學。父竒其清苦。以女妻之。裝送甚厚。宣不悅。曰。少君生富驕。習美飾。吾貧賤不敢當。少君乃悉歸侍御服飾。更着短衣裳。與宣共挽鹿車。歸鄉里。拜姑畢。提甕出汲。修行婦道。白虎通曰。嫁娶何謂。嫁者家也。婦人外成。以出適人為嫁。娶者取也。男女謂男者任也。任功業也。女者如也。從如人也。婚姻者何。昏時行禮也。婦人因夫而成。故曰姻。

傳記曰。男三十而娶。女二十而嫁。陽數竒。陰數隅。合為五十。應大衍之數。生萬物也。

周舉曰。二儀交構。乃生萬物。萬物之中。以人為貴。故聖人順四時之宜。適陰陽之和。使男女婚娶不過其時。

孝友奏表曰。古諸侯一娶九女。士一妻二妾。所以陰教聿修。繼嗣有廣。廣繼嗣。孝也。修陰教。禮也。夫妬忌之心生。則妻妾之禮廢。妻妾之禮廢。則奸淫之兆興。宋胡安定曰。嫁女勝吾家。則女之事人必欽。必戒。娶婦不若吾家。則事舅姑必執婦道。

司馬光曰。今世之貪鄙者。將娶婦。先問資裝之厚薄。將嫁女。先問聘財之多少。是乃駟儉鬻奴賣婢之法。豈得謂之士大夫婚姻哉。其舅姑既被欺給。則殘虐其婦。以摠其忿。由是愛其女者。務厚裝資。以悅其舅姑。殊不知彼貪鄙之人。不可盈厭。資裝既竭。則安用汝女哉。於是質其女。以責貨。於女貨有盡。而責無窮。故婚姻之家。往往為仇讐矣。是以世俗生男。則喜。生女。則戚。至有不舉其女者。用此故也。然則議婚姻。有及於財者。勿與為婚姻可也。

喪

大過象曰。君子以行過乎恭。喪過乎哀。○古之葬者。厚衣之以薪。壘之中野。不封不樹。喪期無數。後世聖人易之以棺槨。

說命曰。王宅憂亮陰三祀。既免喪。其惟弗言。

國風素冠曰。庶見素冠兮。棘人欒欒兮。勞心博博音團也。○頌閔予小子曰。閔予小子。遭家不造。嬛嬛音在疚。

左傳曰。天子七月而葬。同軌畢至。諸侯五月。同盟不

大夫三月。同位至。士踰月。外媼至。贈死不及尸。弔之不及哀。豫凶事。非禮也。○孔丘卒。公誄之曰。旻天不弔。不愆反牛月遺一老。俾屏余一人。以在位。烝烝余在。疾。嗚呼哀哉。尼父無自律。言無以子貢曰。君其不沒於魯乎。夫子之言曰。禮失則昏。名失則愆。失志為昏。失所為愆。生不能用。死而誄之。非禮也。稱一人非名也。一人天。子所稱。君兩失之。

曲禮曰。壽考曰卒。短折曰不祿。死寇曰兵。○檀弓曰。延陵季子適齊。於其反也。其長子死。葬於贏博之間。

曰骨肉復歸於土。命也。若魂氣則無不之也。○諸兄弟吾哭諸廟。父之友。吾哭諸廟門之外。師。吾哭諸寢。朋友。吾哭諸寢門之外。所知。吾哭諸野。○之生而致死之。不仁而不可為也。之死而致生之。不知而不可為也。是故竹不成用。瓦不成味。音木不成斷。琴瑟張而不平。竿笙備而不和。有鍾磬而無篘。篘。橫曰簾。直曰篘。其曰明器。神明之也。○居喪之禮。頭有創則沐。身有瘍則浴。有疾則飲酒食肉。疾止復初。不勝喪。乃比於不慈。不孝。五十不致毀。六十不毀。七十惟衰麻在。

飲酒食肉。處於內。○居喪未葬。讀喪禮。既葬。讀祭禮。喪復常。讀樂章。○知生者弔。知死者傷。知生而不知死。弔而不傷。知死而不知生。傷而不弔。

雜記曰。敬為上。哀次之。瘠為下。顏色稱其情。戚容稱其服。○檀弓曰。啜菽飲水。盡其歡。斯之謂孝。斂首足形。還塋而無擲。稱其財。斯之謂禮。○飯於牖下。小斂於戶內。大斂於阼。殯於客位。祖於廷。葬於墓。所以即遠也。故喪事有進而無退。○始死。充充如有窮。既殯。瞿瞿如有求而弗得。既塋。皇皇如有望而未至。練而

慨然。祥而廓然。○問喪。祭之宗廟。以鬼享之。微重。復也。成壙而歸。不敢入處室。居於倚廬。哀親之在外也。寢苦枕塊。哀親之在土也。○三年問。故三年以為隆。緦小功以為殺。期九月以為間。上取象於天。下取法於地。中取則於人。人之所以群居和壹之理。盡矣。故三年之喪。人道之至文者也。夫是之謂至隆。是百王之所同。古今之所壹也。○喪服四制曰。其恩厚者。其服重。故為父斬衰三年。以恩制者也。門內之治。恩掩義。門外之治。義斷恩。資於事父。以事君而敬同。

貴尊尊。義之大者也。故為君亦斬衰三年。以義制之也。三日而食。三月而沐。期而練。毀不滅性。不以死傷生也。喪不過三年。苴衰不補。墳墓不培。祥之日。鼓素琴。告有終也。以節制者也。資於事父。以事母而愛同。天無二日。土無二王。國無二君。家無二尊。以一治之者也。故父在為母齊衰期者。見無二尊也。○斬衰之喪。對而不言。大功之喪。言而不議。緦小功之喪。議而不及樂。

荀子曰。貨財曰賻。輿馬曰賵。衣服曰襚。玩好曰贈。王且曰含。賻賵所以佐生也。贈襚所以送死也。送死不及柩尸。弔生不及悲哀。非禮也。故吉行五十。禫喪百里。

墨子曰。古聖人制為塋埋之法。曰擲三寸足以朽體。衣衾三領。足以覆惡。以及其塋也。下母及泉。上母通臭。塋若參耕之畝。則止矣。死者既以塋矣。生者必無久哭。而疾而從事。人為其所能。以交相利也。此聖王之法也。

呂覽曰。凡生於天地之間。其必有死。所不免。孝子之

重其親也。慈親之愛其子也。痛於肌骨。性也。所重子
愛死而棄之溝壑。人之情不忍為也。故有塋死之義。
塋也者。藏也。慈親孝子之所慎也。慎之者。以生人之
心慮。以生人之心為死者慮也。莫如無動。莫如無發。
無動無發。莫如無有可利。此之謂重閉。古之人有藏
於廣野深山而安者矣。非珠玉國寶之謂也。塋不可
不藏也。塋淺則狐狸扣之。深則及於水泉。故凡塋必
於高陵之上。以避狐狸之患。水泉之濕。則善矣。而忘
奸邪盜賊寇亂之難。豈不惑哉。

韓子曰。墨者之塋也。冬日冬服。夏日夏服。桐棺三十。
執喪三日。世主以為儉而尤之。儒者破家而塋。債子
而償。執喪三年。毀而扶杖。世主以為孝而禮之也。○
齊國好厚塋。布帛盡於衣衾。材木盡於棺槨。桓公患
之以告管仲曰。布帛盡則無以為蔽。材木盡則無以
為守備。而人厚塋之不休。禁之柰何。管仲對曰。凡人
之有為。非名之。則利之也。於是乃下令曰。棺槨過度
者戮其尸。罪夫當喪者。夫戮尸無名。罪當喪者無利。
人何故為之也。

成紀曰。仲尼孝子。延陵慈父。其塋骨肉。皆微薄矣。苟為儉。誠便於體。德彌厚者。塋彌薄。知愈深者。塋愈微。丘壠彌高。發掘必速。士虞經曰。喪禮必制。衰麻何。以副意也。腰經者。以帶結之何。思慕。賜若結也。必再結之何。明思慕之無已也。必杖者。孝子悲哀。身病。以杖扶之。不以死傷生也。論衡曰。魯人將以璆璫歛。孔子厭級而諫之何。夫患生于貪。璆璫寶也。姦人憒之。慾心生矣。姦人欲生。遂不畏罪。丘墓抽矣。璆以孔子厭級而諫。○皇甫謐曰。生不能保七尺之軀。死何故隔一棺之上。故桓司馬不如速朽。文公厚葬。春秋以華元為不臣。

齊宣王謂田過曰。吾聞儒者喪親三年。喪君三年。君與親孰重。田過曰。非君之土地。無以處吾親。非君之祿。無以養吾親。非君之爵位。無以尊顯吾親。凡事君所以為親也。殆不如親重矣。說苑曰。子貢問孔子。死人有知無知也。孔子曰。吾欲言死者有知也。恐孝子順孫妨生以送死也。欲言無知。恐不孝子孫棄不塋也。賜欲知死人有知無知也。

死徐自知之猶未晚也。

漢陽王孫曰。蓋聞古之聖王。緣人情不忍其親。故為制禮。今則越之。夫厚塋誠無益於死者。而俗人競以相高。靡財殫弊。腐之地下。且夫死者終生之化。而物之歸者也。歸者得至。化者得變。是物各反其真也。反真冥冥。亡形亡聲。乃合道情。夫飾外以華衆。厚塋以馬真。使歸者不得至。化者不得變。是使物各失其所也。

隋禮儀志曰。重服不可頓殊。故變之以織縞。創巨不可便愈。故稱之以祥禫。

劉炫曰。古之仕者。宗一人而已。由是先王重適。其宗子有分祿之義。族人與宗子雖疏遠。猶服縗三月。良由受其恩也。今之仕者。位以才升。不限適庶。與古既異。何降之有。今之貴者。多忽近親。若或降之。民德之踈。自此始矣。

唐虞世南曰。古帝王所以薄塋者。非不欲崇大光顯。以榮其親。然高陵厚壠。寶貝珍物。適所以累之也。聖人深思遠慮。安於菲薄。為長久計。死者無終極。而

家有廢興。

宋呂才曰。先期而葬。謂之不懷。後期而葬。謂之殆禮。

祭

困九五曰。乃徐有說。悅音利用祭祀。

國風采芣曰。被之僮僮。諫敬也夙夜在公。被之祈祈。薄

言旋歸。○采蘋曰。于以奠之。宗室牖下。誰其尸之。有

齊季女。○小雅天保曰。吉蠲為饗。是用孝享。禴祀蒸

嘗。于公先王。○大田曰。耒方禋祀。以其騂黑。與其黍

稷。以享以祀。

左傳曰。凡禘郊宗祖報。此五者。國之祀典也。加之以

山川社稷之神。皆有功烈於民者也。及前哲令德之

人。所以為明質也。及天之三辰。民所以瞻仰也。及地

之五行。所以生殖也。及九州名山川澤。所以出財用

也。非是不在祀典。○夫神以精明臨民者。故求備物。

不求豐大。是以先王之祀也。以一純。心二精。王三牲。

四時。五色。六律。七事。天八種。地九祭。民十日。音

千十二辰。支十二。以致之。百姓千品。萬官億醜。兆民經

入咳數以奉之。咳。咳通用。八極地也。國語。天子居九咳之田。明德以昭之。

蘇和聲以聽之。以吉徧至則無不受休。毛以示物。以告殺。接誠拔取。以獻其為齋敬也。○祀所以昭孝。息民。撫國家。定百姓也。不可以已。○鬼神非其族類。不歆其祀。祀鄩何事。相之不享。於此。又矣。非衛之罪也。不可以間成。王周公之命祀。○苟有明信。澗溪沼沚之毛。蘋蘩蕓藻之菜。可羞於王公。可薦於鬼神。○凡祀啓蟄而郊。龍見而雩。始殺而嘗。閉蟄而烝。過則書。○國之大事。在祀與戎。祀有執燔。戎有受脰。神之

曲禮曰。凡祭有其廢之。莫敢舉也。有其舉之。莫敢廢也。○王制曰。天子祭天地。諸侯祭社稷。大夫祭五祀。天子祭天下名山大川。○天子社稷皆太牢。諸侯社稷皆少牢。大夫子宗廟之祭。有田則祭。無田則薦。庶人春薦韭。夏薦麥。秋薦黍。冬薦稻。韭以卵。麥以魚。黍以豚。稻以鴈。○禮運曰。禮行於郊而百神受職焉。禮行於社而百貨可極焉。禮行於祖廟而孝慈服焉。禮行於五祀而正法則焉。○祭帝於郊。所以定天位也。祀社於國。所以列地利也。祖廟所以本仁也。山川所

以償鬼神也。五祀所以報事也。○祭義曰。祭不欲數。數則煩。煩則不敬。祭不欲疏。疏則怠。怠則忘。○祭法曰。夫聖王之制祭祀也。法施於民則祀之。以死勤事則祀之。以勞定國則祀之。能禦大災則祀之。能捍大患則祀之。○王立七廟。諸侯立五廟。大夫立三廟。適士立二廟。官師一廟。庶人無廟。王為群姓立社。曰大社。王自為立社。曰王社。諸侯為百姓立社。曰國社。諸侯自為立社。曰侯社。大夫以下成群立社。曰置社。王為群姓立七祀。王自為立七祀。諸侯為國立五祀。諸侯自為立五祀。大夫立三祀。適士立一祀。庶士庶人立一祀。王下祭殤五。諸侯下祭三。大夫下祭二。適士及庶人祭子而止。○祭統曰。夫祭也者。必夫婦親之。所以備外內之官也。官備則具備。水草之菹。陸產之醢。小物備矣。三牲之俎。八簋之實。美物備矣。昆蟲之異。草木之實。陰陽之物備矣。凡天之所生。地之所長。苟可薦者。莫不咸在。示盡物也。○白虎通曰。王者所以有社稷者何。為天下求福報功。人非土不立。非穀不食。土地廣博。不可徧敬也。五穀

種多不可一一而祭也。故封土立社。示有土。尊稷

穀之長。故封稷而祭之也。

論衡曰。凡祭祀之義有二。一曰報功。二曰循先報功

以勉力。循先以崇恩也。

崔沔曰。古者有所飲食。必先嚴獻。未火化則有毛血

之薦。未麩藥則有玄酒之奠。神尚玄。可存而不可測

也。祭主敬。可備而不可廢也。故太羹古饌也。盛以甑

甑。音丁又音豆也。古器也。和羹時饌也。盛以鉶。鉶。時器也。

鉶。盛和羹器。禮有鉶。鼎。甑。盛和羹器。禮有鉶。鼎。甑。盛和羹器。禮有鉶。鼎。甑。

○清廟時享。禮饌具設。古物

存焉。園寢上食。時膳備列。它珍極焉。職貢未祭。致遠

物也。有新必薦。順時令也。躬稼所收。蒐狩親中。莫不

薦而后食。盡誠敬也。

郊祀志曰。使先聖之後。能知山川。敬於禮義。明神之

事者。以為祝。能知四時。犧牲壇場。上下氏姓所出者

以為宗。

帝述議曰。禮。天之所生地之所長。苟可荐者。莫不咸

在。聖人知孝子之情深。而物類無盡。故為之節。雖平

生所嗜。非禮則不荐。雖平生所惡。非禮則不去。○

古今類用

漢以來。陵有寢宮。荐以常饌。固可盡孝子之心。至廟法享。不可變古從俗。若曰以今之珍。生所嗜愛。求神無方。是簠簋可去。而盤盂杯案當御矣。韶濩可抵。而篳篥笙笛應奏矣。

明禮部太常翰林院議曰。虞夏商周。世系明白。其始祖所從出。可得而推。故禘禮可行。漢唐以來。世系無考。莫能明其始祖所自出。當時所謂禘。不過禘祀禘主。序昭穆而祭之。乃古之大禘。非禘也。宋神宗曰。禘者。所以禘祖之所自出。禘禮不可行也。

楊守謙曰。祖功宗德。歷代因循。禮之本也。緣情立典。萬世通行。而不可變也。禘主異藏。歷代損益。禮之文也。因時制宜。每代各施。而不可泥者也。

丘濬國家常祀之禮曰。大蜡之祭。與籍田相為終始。當夫東作方興之始。既舉籍田之禮。以祀先農於春。而以帥夫農民。以興其務本之心。則夫百穀告成之後。載舉大蜡之禮。以報先嗇於冬。而以勞來農民。以報其勤動之苦。是故舉先王莫大之禮。亦以廣聖君莫大之恩也。

程敏政考正祀典曰。古聖王之治天下。必以祀典為重。所以崇德報功而垂世教。淑人心也。故有功德于一時者。一時祀之。更代則已。有功德于一方者。一方祀之。踰境則已。然猶欲以勸一時。範一方。而不輕議焉。况先師孔子有功德于天下萬世。天下祀之。萬世祝之者哉。

邪正

乾文言曰。上下無常。非為邪也。○泰彖曰。內陽而外陰。內健而外順。內君子而外小人。○繫辭曰。其德行何也。陽一君而二民。君子之道也。陰一君而一民。小人之道也。

宋甲曰。德惟治。否德亂。

國風侯人曰。蒼兮蔚兮。南山朝隰。蒼蔚草木盛。隰音賈。雲氣升騰也。言小人多而婉兮孌兮。季女斯饑。婉好變好。不妄從人。而反饑喻賢者守道○大雅桑柔曰。維此良人。作為式穀。維彼不順。征

以中垢。中垢內
汚辱也

左傳子高曰。其為人。也。展而不信。愛而不仁。詐而不知。毅而不勇。直而不衷。周而不淑。復言而不謀。身。展也。愛而不謀。長。不仁也。以謀。蓋人。詐也。彊忍犯義。毅直而不顧。不衷也。周言棄德。不淑也。是六德者。皆有其華而不實者。將焉有之。彼其父為戮於楚。其心又猶而不潔。若其猶也。不忘舊忍。而不以潔。悛德。思報然而已。則其愛也。足以得人。其展也。足以復之。其詐也。足以謀之。其直也。足以帥之。其周也。足以蓋之。其

不潔也。足以行之。而加之以不仁。奉之以不義。蔑不

克矣。○太史克曰。先大夫臧文仲。教行父事君之禮。

行父奉以周旋。罔敢失隊。曰。見有禮於其君者。事之

如孝子之養父母也。見無禮於其君者。誅之。如鷹鷂

之逐鳥雀也。先君周公制周禮曰。則以觀德。則君臣
婦朋友之
法則也

德以處事。事以度功。功以食民。作誓命曰。

毀則為賊。掩賊為藏。竊貨為盜。盜器為姦。主藏之名。

賴姦之用。為大凶德。有常無赦。在九刑。不忘。行父還

觀莒僕。莫可則也。孝弟忠信為吉德。盜賊藏奸為凶

古今類聚 卷六 三
德。莒僕則其孝敬。則弑君父矣。則其忠信。則竊寶丁矣。其人則盜賊也。其器則姦兆也。保而利之。則主藏也。以訓則昏。民無則烏。不度於善而皆在於凶德。是以去之。○叔向曰。已惡而掠美為昏。貪以敗官為墨。殺人不忌為賊。

晏子曰。正士處世。臨眾不阿私。通則事上。使恤下。窮則教下。使順上。事君盡禮。不正爵祿。不用則去。而不議其交友也。論身行義。不為苟戚。不同則踈而不誹。不毀。邪人則不然。用於上則虐民。行於下則逆上。事

君苟進不道忠。交友苟合不道行。持諛巧以正祿。此奸邪以厚養。不任於上。則輕議。不篤於友。則好誹。

淮南子曰。當今之世。醜必託善。以自為解。邪必蒙正。以自為辟。遊不論國。仕不擇官。行不辟汙。曰伊尹之道也。分別爭財。親戚兄弟構怨。骨肉相賊。曰周公之義也。行無廉耻。辱而不死。曰管仲之趨也。行貨賂。趨勢門。立私廢公。比周而取容。曰孔子之術也。此使君子小人紛然淆亂。莫知其是非者也。○天下是非無所定。世各是其所是。而非其所非。所謂是與非各異。

皆自是而非人。由此觀之。事有合於己者。而未始方是也。有忤於心者。而未始有非也。故求是者。非求道理也。求合於己者也。去非者。非批邪施也。去忤於心者也。忤於我。未必不合於人也。合於我。未必不非於俗也。至是之是無非。至非之非無是。此真是非也。若夫是於此而非於彼。非於此而是於彼者。此之謂一是一非也。

新書曰。親愛利子謂之慈。反慈為噉。子愛利親謂之孝。反孝為孽。愛利出中謂之忠。反忠為倍。心存恤人謂之惠。反惠為讎。兄敬愛弟謂之友。反友為虐。弟敬愛兄謂之悌。反悌為傲。接遇慎容謂之恭。反恭為媠。接遇肅至謂之敬。反敬為慢。衷理不辟謂之端。反端為跂。音方又音訪。曲胫馬也。據當不傾謂之平。反平為險。行善決宛謂之清。反清為濁。辭利刻謀謂之廉。反廉為貪。兼覆無偏謂之公。反公為私。方直不曲謂之正。反正為邪。

說苑曰。何謂六正六邪。六正者。一曰萌芽未動。形兆未見。昭然獨見存亡之幾。得失之要。預禁乎不然。

前使主超然立乎顯榮之處。天下稱孝焉。如此者。所
臣也。二曰虛心白意。進善通道。勉主以禮義。諭主以
長策。將順其美。匡救其惡。功成事立。歸善於君。不敢
獨伐其勞。如此者。良臣也。三曰卑身賤體。夙興夜寐。
進賢不懈。數稱於往古之德行事。以厲主意。庶幾有
益以安國家社稷宗廟。如此者。忠臣也。四曰明察幽
見成敗。早防而救之。引而復之。塞其間。絕其源。轉禍
以為福。使君終以無憂。如此者。智臣也。五曰守文奉
法。任官職事。辭祿讓賜。不受贈遺。衣服端齊。飲食節

儉。如此者。貞臣也。六曰國家昏亂。所為不然。諫而輒
犯主之顏面。言主之過失。不辭其誅。身死國安。不悔
所行。如此者。真臣也。是謂六正也。六邪者。一曰安官
貪祿。營於私家。不務公事。懷其智。藏其能。主饑於論。
渴於策。猶不肯進。容容與世浮沉。上下左右觀望。如
此者。具臣也。二曰主所言皆曰善。主所為皆曰可。隱
而求主之所好。即進之以快主耳目。偷合苟容。與主
為樂。不顧其後。如此者。諛臣也。三曰中實頗險。小容
貌小謹。巧言令色。又心疾賢。所欲進則明其美。而隱

其惡所欲退則明其過而匿其美使主妄行過任賞罰不當號令不行如此者姦臣也四曰智足以飾非辨足以行說反言易辭而成文章內離骨肉之親外妬亂朝廷如此者讒臣也五曰專權擅勢持國事以為輕重私門成黨以富其家又復增加威勢擅矯主命以自貴顯者如此者賊臣也六曰諂言以邪墜主不義朋黨比周以蔽主明入則辨言好辭出則更復異其言語使白黑無別是非無間伺候可乘因而附會使主惡布於境內聞於四隣如此者亡國之臣也是謂六邪。

唐古今人表曰如堯舜禹稷臯陶與之為善則行。鯀驩與之為惡則誅。可與為善不可與為惡是謂上智。桀紂龍逢比干欲與之為善則誅。于莘崇侯與之為惡則行。可與為惡不可與為善是謂下愚。齊桓公管仲相之則伯。監貂輔之則亂。可與為善可與為惡是謂中人。

陳子昂曰尚德行者無凶險。務公正者無邪朋。庶者憎貪。信者疾偽。智不為愚者謀。勇不為怯者死。猶

隼不接翼。薰蕕不共器。何者。以德並凶。勢不相入。以正攻佞。勢不相利。以廉勸貪。勢不相售。以信質偽。勢不相知。智者尚謀。愚者所不聽。勇者殉死。怯者所不從。此趨向之分也。

李德裕曰。辨邪正。專委任。而後朝廷治。夫正人既呼。小人為邪。小人亦謂正人為邪。正人一心事君。無待於助。邪人必更為黨。以相欺蔽。君人者。以是辨之。則無惑矣。

宋蘇轍曰。君子小人。勢同冰炭。同處必爭。一爭之後。小人必勝。君子必敗。何者。小人貪邪。忍耻。擊之則難去。君子潔身重義。沮之則易退。

禍福

泰爻曰。勿恤其孚。孚謂治極必亂之期于食有福。○有命无咎。

疇離祉。○晉爻曰。受茲介福。○井爻曰。井渫不食。

為我心恻。可用汲。王明。並受其福。○无妄爻曰。无妄

之災。或繫之牛。行人之得。邑人之災。○既濟爻曰。實

受其福。吉大來也。○繫辭曰。危者使平。易者使傾。○

是故愛惡相攻。而吉凶生。遠近相取。而悔吝生。情偽

古今類聚 卷六
相感而利害生。

伊訓曰。惟上帝不常。作善降之百祥。作不善降之百殃。○咸有一德曰。惟吉凶不僭在人。惟天降災祥在德。

國風兔爰曰。有兔爰爰。雉離於羅。我生之初。尚無為我生之後。逢此百罹。尚寐無吪。○小雅節南山曰。昊天不備。降此鞠訕。昊天不惠。降此大戾。○天保曰。天保定爾。俾爾戩穀。罄無不宜。受天百祿。降爾遐福。唯日不足。○天保定爾。以莫不興。如山如阜。如岡如陵。

如川之方至。以莫不增。

山阜岡陵言福之高。大川至言福盛長。

○俾爾

單也

厚。何福不除。

除舊生新

俾爾多益。以莫不庶。

○神之

的音

矣。詒爾多福。

○如月之恒。如日之升。如南山之

壽。不騫不崩。如松柏之茂。無不爾或承。

大雅既醉曰。君子萬年。介爾景福。既醉以酒。爾殽既

將。君子萬年。介爾昭明。昭明有融。高朗令終。

昭明高朗皆純

熙悠久意言福通徹而有終也

○瑟彼玉瓚。

杯也

黃流。

酒也

在中。豈弟君

子。福祿攸降。○魯頌閟宮曰。俾爾熾而昌。俾爾壽而

臧。○俾爾昌而大。俾爾耆而艾。

左傳周敬王曰。天降禍於周。俾我兄弟。並有亂心。以
為伯父憂。我一二親。暱甥舅。不遑戡處。於今十年。勤
戍五年。余一人無日忘之。閔閔焉如農夫之望歲。懼
以待時。伯父若肆大惠。復二文之業。弛周室之憂。徼
文武之福。以固盟主。宣昭令名。則余一人有大願矣。
昔成王合諸侯。城成周。以為東都。崇文德焉。今我欲
徼福。假靈於成王。脩成周之城。俾成人無勦。諸侯用
寧。蚤賊遠屏。食苗曰蚤。食節曰賊。晉之力也。其委諸伯父。使伯
父實重圖之。俾我一人無徵怨於百姓。而伯父有榮

施。先王庸之。○司馬侯曰。楚王方侈泰。或者欲逞其
心。以厚其毒。而降之罰。未可知也。其使能終。亦未可
知也。晉楚唯天所相。不可與爭。君其許之。而脩德以
待其歸。若歸於德。吾猶將事之。况諸侯乎。若適淫虐。
禁將棄之。吾又誰與爭。○或多難以固其國。戡其疆
土。或無難以喪其國。失其守宇。○子西曰。吳。周之胃
齋也。而棄在海濱。不與姬通。今而始大。比於諸華。光
又甚文。將自同於先王。不知天將以為虐乎。使剪喪
吳國。而封大異姓乎。其抑亦將卒以祚吳乎。其終不

遠矣。我盍姑億吾鬼神而寧吾族姓。以待其歸。○范
文子曰。夫德。福之基也。無德而福隆。猶無基而厚墉
也。其壞也無日矣。○能者養之以福。不能者敗以取
禍。○善人富謂之賞。淫人富謂之殃。天其殃之也。其
將聚而殲旃。

家語曰。君子禍至不惧。福至不喜。

荀子曰。仁義德行。常安術也。然而未必不危也。汙漫
突盜。常危術也。然而未必不安也。故曰。君子道其常。
小人道其怪。

韓非子曰。人有禍則心畏恐。心畏恐則行端直。行端
直則思慮熟。思慮熟則得事理。行端直則無禍患。無
禍患則盡天年。得事理則必成功。盡天年則全而壽。
必成功則富與貴全。壽富貴之謂福。而福本於有禍。
人有福則富貴至。富貴至則衣食美。衣食美則驕心
生。驕心生則行邪僻。而動棄理。行邪僻則身死天動。
棄理則無成功。夫內有死天之難。而外無成功之名。
者大禍也。而禍本生於有福。

淮南子曰。積愛成福。積怨成禍。○祿過其功者損名。

古今類聚 卷十一
過其實者蔽。情行合而名副之。禍福不虛至矣。○福生于無為。患生于多慾。害生于弗備。○聖人不能必禍不至。信已之不迎也。不能使福必來。信已之不攘也。○夫禍之來也。人自生之。福之來也。人自成之。禍與福同門。利與害為鄰。非神聖人莫之祇分。○北叟塞上之翁也。馬無故亡入胡。人弔之。翁曰。安知非福乎。後其馬將胡駿馬而歸。人賀之。翁曰。安知非禍乎。其子騎墮而折臂。人弔之。翁曰。安知非福乎。後胡兵大出。丁壯者戰死。唯子以跛故得父子相保。故以此叟知禍福相因倚而生也。

韓詩外傳曰。夫利為害本。而福為禍先。惟不求利者為無害。不求福者為無禍。

說苑曰。福生於微。禍生於忽。日夜恐懼。惟恐不幸。○衆正之積。福無不及也。衆邪之積。禍無不逮也。

論衡曰。世論行善者福至。為惡者禍來。禍福之應。皆天也。人為之。天應之。無貴賤賢愚。莫不謂然。又見善人時遇福。故遂信之。謂之實然。斯言或時賢古聖欲勸人為善。著必然之語。以明德報。或福時適遇者。以

古今類聚 卷十一 三十一
為然。如實論之。安得福祐乎。○凡人窮達禍福之至。大之則命。小之則時。古之君相。困窮後得達通。未必初有惡。天禍其前。卒有善。神佑其後也。一身之行。一行之操。結髮終死。前後無異。然一成一敗。一進一退。一窮一通。一全一壞。遭遇適然。命時當也。○火燔野草。車轆所致。火所不燔。俗或幸之。名曰幸草。君子有不幸而無幸。當人有幸而無不幸。虞帝以聖人而遭父兄之禍。孔丘以聖而值削迹之窮。

帝論曰。人而好善。福雖未至。禍其遠矣。人而不好善。禍雖未至。福其遠矣。

史伯夷傳曰。天道無親。常與善人。若夷齊可謂善人者。非耶。積仁累行如此。而饑死。且七十子之徒。仲尼獨荐顏淵為好學。然回也屢空。糲糠不厭。而卒天世。天之報施善人。何如哉。盜跖日殺不辜。肝人之肉。暴戾恣睢。竟以壽終。是遵何德哉。其尤大彰明較著者也。至若近世操行不軌。專犯忌諱。而終身逸樂。富厚累世不絕。或擇地而蹈之。時然後出言。行不由徑。非公正不發憤。而遇災禍者。不可勝數也。倘所謂天道。

是耶非耶。漢枚乘曰。福生有基。禍生有胎。班固曰。福不盈泚。禍溢於世。

唐文德后曰。修短有命。非人力所支。若修德可延。吾不為惡。使作善無效。吾尚何求。

裴光庭曰。使禍可禳而去。則福可祝而來。

張守節進香事曰。人臣之於君。願其福也。則當勸於
備德善。願其壽也。則當勸於去逸慤。願天心之向順
也。則當相之以和保小民。康濟四海。未聞有以禱祠

得福。丹藥致壽。假符瑞以永天命者。

高廟因侍臣論善惡感召。有不得其常者而言曰。為
惡或免禍。然理無可為之惡。為善未蒙福。然理無不
可為之善。人惟脩其在已。禍福則聽之於天。

劉基曰。天下有非望之福。亦有非望之禍。小人不知
禍福之相倚仗也。則徼幸以為常。是故失意之事。恒
生於所得意。惟其見利而不見害。知存而不知亡也。

朱英謂春申君曰。世有母望之福。又有母望之禍。亦此意。

黎父未齋雜言曰。禍福皆定於天。吉凶或召於已。雖

古今類用 卷六
大智不能逃。惟學問之至。德行之尊。自然先天弗違。是以通神明而贊化育也。

揚慎璣語曰。天有常福。必祚明德。天有常蓄。必隕明。式。

交際

國風緇衣曰。緇衣之宜兮。敝予又改為兮。適子之館兮。還予授子之粢兮。○渭陽曰。何以贈之。瓊瑰玉佩。○木瓜曰。投我以木棗。報之以瓊瑤。匪報也。永以為好也。○大雅抑曰。無言不讐。無德不報。○投我以棗。報之以李。

左傳曰。怨不棄義。怒不廢禮。○敵惠敵怨。不在後嗣。忠之道也。○范宣子為政。諸侯之幣重。子產寓書于西。以告宣子曰。子為晉國。四鄰諸侯。不聞令德。而聞重幣。僑也惑之。僑聞君子長國家者。非無賄之患。而無令名之難。夫令名。德之輿也。德。國家之基也。有基無壞。無亦是務乎。有德則樂。則能久。怨思以明德。則令名載而行之。是以遠至邇安。毋寧使人謂子。子實生我。而謂子浚我。以生乎。象有齒。以焚其身。賄也。宣

子說乃輕幣。○子產相鄭伯如晉。侯以我喪故未之見也。子產使盡壞其館之垣而納車馬焉。士文伯讓之。對曰。以敝邑褊小。介於大國。誅求無時。是以不敢寧居。悉索敝賦。以來會時事。逢執事之不間。而未得見。又不獲聞命。不敢輸幣。亦不敢暴露。其輸之。則君之府實也。非陳薦之。不敢輸也。其暴露之。則恐燥濕之不時而朽蠹。以重敝邑之罪。僑聞文公為盟主也。宮室卑庳。無觀臺榭。以崇大諸侯之館。今銅鞮之宮數里。而諸侯舍於隸人門。不容車。賓見無時。命不可知。若又勿壞。是無所藏幣以重罪也。雖君之有魯惠。亦敝邑之憂也。若獲薦幣。修垣而行。趙文子曰。我實不德。而以隸人之垣以羸諸侯。是吾罪也。晉侯見鄭伯有加禮。叔向曰。辭之不可以已也。如是夫。子產有辭。諸侯賴之。若之何其釋辭也。詩曰。辭之輯矣。民之協矣。辭之繹矣。民之莫矣。其知之矣。○孔丘謂梁丘據曰。犧象不出門。嘉禮不野合。享而既具。是棄禮也。若其不具。用秕稗也。秕稗辱君。子盍圖之。夾谷會○鄭弦高曰。寡君聞吾子將步師出於敝邑。敢犒從者。不

古今類聚 卷之三
三十一
腆敝邑。為從者之淹。居則具一日之積。行則備一夕之衛。○祖而舍輶。飲酒於其側。曰餞。重始有事於道也。○鄭六卿餞宣子於郊。宣子曰。二三君子請皆賦。起亦以知鄭志。子藹賦。野有蔓草。宣子曰。孺子善哉。吾有望矣。子產賦。鄭之羔裘。宣子曰。起不堪也。子大叔賦。褰裳。宣子曰。起在此。敢勤子至於他人乎。子大叔拜。宣子曰。善哉。子之言是。不有是事。其能終乎。子游賦。風雨子旗。賦有女同車。子柳賦。稗芻。宣子喜曰。鄭其庶乎。二三君子以君命賦。起賦不出鄭志。皆昵

燕好也。二三君子。數世之主也。可以無懼矣。宣子皆獻馬焉。而賦。我將。子產拜。使五卿皆拜。曰。吾子靖亂。敢不拜德。宣子私覲於子產。以玉與馬。曰。子命起舍夫玉。是賜我玉而免吾死也。敢不籍手以拜。

曲禮曰。凡贄。天子鬯。諸侯圭。卿羔。大夫鴈。士雉。庶人之摯。匹。童子委摯而退。野外。軍中無摯。以纓拾矢可也。○太上貴德。其次務施報。禮尚往來。往而不來。非禮也。來而不往。亦非禮也。○貧者不以貨財為禮。老者不以筋力為禮。○緇衣曰。無辭不相接也。無禮

不相見也。歆民之母相褻也。

家語曰。孔子去周而老子送之曰。吾聞富貴送人以金。仁者送人以言。吾雖不能富貴。而竊仁者之號。請送子以言。○曾子曰。受人施者常畏人。與人者常驕人。

荀子曰。周公謂伯禽之傅曰。我文王之為子。武王之為弟。成王之為叔。吾於天下不賤矣。然而吾所執贄而見者十人。還贄而見者三十人。貌贄之七百有餘人。歆言而請畢事者千有餘人。於是吾僅得三士焉。論衡曰。貧人富人。並為賓客。受賜於主人。富人不慙。而貧人常媿者。富人有效。貧人無以復也。

史侯生曰。今日羸之為公子亦足矣。羸乃夷門抱關者也。公子自迎於衆人。廣坐之中。歆就公子之名。故又立公子市中。人皆以羸為小人。以公子為長者。○一飯之德必酬。眦睚之怒必報。

漢蔡邕曰。相見無期。唯是書疏。可以當面。唐書曰。沉豫少決者。贈以刀。歆其果於斷。放誕少檢者。贈以帶。俾其守約束。

古今類用 卷六
唐子西曰。公於我厚矣。吾將圖報矣。吾欲脅有諂笑。巧言令色。以順適其意。以是報公可乎。客曰不可。是小人之報也。吾將抱長劍。挾匕首。有惡聲至者。以血濺其襟。以是報公可乎。客曰。是俠客之報也。吾將淬文鋒。礪詞鋒。庶幾起騰奮躍。高飛遠舉於天下。使天下之人指之曰。斯人也。出於任公之門。以是報之可乎。客曰。唯唯。是國士之報也。
明薛文清曰。人未已知。不可急求其知。人未已合。不可急與之合。

器用

繫辭曰。備物致用。立成器以為天下利。莫大乎聖人。○制而用之謂之法。利用出入。民咸用之謂之神。○作結繩而為網罟。以佃以漁。蓋取諸離。○剡木為舟。剡木為楫。舟楫之利。以濟不通。蓋取諸渙。○服牛乘馬。引重致遠。以利天下。蓋取諸隨。○斷木為杵。掘地為臼。臼杵之利。萬民以濟。蓋取諸小過。○弦木為弧。剡木為矢。弧矢之利。以威天下。蓋取諸睽。
國風采蘋曰。于以盛之。維筐及筥。于以湘之。維錡及

釜。○定之方中曰。樹之榛栗。椅桐梓漆。爰伐琴瑟。
左傳曰。胤之舞衣。兕之戈。和之弓。垂之竹矢。先王以
之傳世。夏后氏之璜。封父之繁弱。密須之鼓。闕鞞之
甲。諸侯所受於先王。此之謂重器。○文伯曰。諸侯之
封也。皆受明器於王室。以鎮撫其社稷。故能薦彝器
於王。晉居深山。戎狄之與隣。而遠於王室。王靈不及。
拜戎不暇。其何以獻器。王曰。叔氏而忘諸乎。叔父唐
叔。成王之母弟也。其及無分乎。密須之鼓。與其大路。
文所以大蒐也。闕鞞之甲。武所以克商也。唐叔受之。

以處參虛。墟匡有戎狄。其後襄之。二路鉞鉞。秬鬯形

子虎賁。文公受之。以有南陽之田。撫征東夏。非分而

何。夫有勲而不廢。有績而載。奉之以土田。撫之以彝

器。旌之以車服。明之以文章。子孫不忘。所謂福也。福

祚之不登。叔父焉在。○仲尼曰。惟名與器。不可以假

人。君之所司也。名以出信。信以守器。器以藏禮。禮以

行義。義以生利。利以平民政之大節也。若以假與人。

政也。政亡則國家從之。弗可止也。已。叔仲于奚。叔孫桓子賞之。

邑辭而請纓。繁以朝許之。故孔子惜之。○單穆公曰。且夫鍾不過以動。

聲若無射大林耳不及也。無射陽聲之細者大林陰聲之大者細柳大陵難乎聽夫鍾聲以為耳也耳所不及非鍾聲也猶目所不見不可以為目也夫目之察度也不過步武之間其察色也不過墨丈尋常之間耳之察和在清濁之間其察清濁也不過一人之所勝是故先王之制鍾也大不出鈞重不過石律度量衡於是乎生小大器用於是乎出故聖人慎之今王作鍾也聽之弗及比之不度鍾聲不可以知和制度不可以出節無益於樂而鮮民財將焉用之○臧僖伯曰凡物不足

以講大事其材不足以備器用則君不舉焉君將納民於軌物者也故講事以度軌量謂之軌取材以章物采謂之物不軌不物謂之亂政亂政亟行所以敗也○胡傳曰大閱簡車馬也以鼓則王執路鼓諸侯執賁鼓以旗則王載太常諸侯載旂以綏則王下大綏諸侯下小綏

曲禮曰凡家造祭器為先犧賦為次養器為後○明堂位曰鸞車有虞氏之路也鉤車夏后氏之路也大路殷路也乘路周路也○有虞氏之旂夏后氏之綏

穀之太白。周之太赤。○秦有虞氏之尊也。山罍。夏后氏之尊也。著。穀尊也。犧象。周尊也。○有虞氏之兩敦。夏后氏之四璉。穀之六瑚。周之八簋。

周禮曰。蓋。園象天。軫。方象地。輪。輻象日月。○弓。人為弓。取六材。必以其時。幹也。角也。筋也。膠也。絲也。漆也。○烹。一人掌供鼎鑊。以供水火之齊。

爾雅曰。天子造舟。諸侯維舟。大夫方舟。士特舟。庶人乘拊。

三禮曰。牛鼎受一斛。天子飾以黃金。諸侯白金。有鼻目。以銅為之三足。

管子曰。權衡者。所以起輕重之數也。然而人不事者。非心惡利也。權不能為之多少其數。而衡不能為之輕重其量也。人知事權衡之無益。故不事也。權衡平正而待物。故奸詐之人。不得行其私。故明法曰。有權衡之稱者。不可欺以輕重。○尺寸尋丈者。所以得短長之情也。故以尺寸量短長。則萬舉而萬不失矣。是故。尺寸之度。雖富貴衆強。不為益長。雖貧賤卑辱。不為損短。公平而無所偏。故奸詐之人。不能誤也。故明

法曰。有尋丈之數者。不可差以長短。○為行者相揭以高。為禮者相矜以偽。車輿極於彫琢。器用逐於刻鏤。求貨者爭難得。以為寶。詆文者處煩撓。以為慧。爭為詭辨。久稽而不決。無益於治。工為奇器。歷歲而後成。不周於用。

荀子曰。工人斲木以為器。○繁弱。柎黍。古之良弓也。桓公之葱。太公之闕。莊君之胸。闔閭之干。將莫邪。巨闕。辟閭。此皆古之良劍也。

淮南子曰。烏號之弓。谿子之弩。不能無弦而射。越船蜀艇。不能無水而浮。○明鏡之始。型矇然。及粉之以玄錫。摩之以白旃。則髮眉鬢毛。可得而察。○柱不可以摘齒。筐不可以持屋。馬不可以服重。牛不可以追速。鉛不可以為刀。銅不可以為弩。鐵不可以為舟。木不可以為釜。各用之於其所適。○夫竹之性。浮。殘以為牒。束而投之水。則沉。失其體也。金之性。沉。託之於舟上。則浮。勢有所支也。

新書曰。渡江河無維楫。中流而遇風波。船必覆矣。說林曰。馬以致遠。牛以負重。鷄以司夜。狗以守門。因

其性也。埏埴以為器。審木以為舟。鑊金以為鍾。鑠鐵以為刃。因其質也。陸處而耕。水處而漁。山處而樵。谷處而牧。因其地也。水之用舟。沙之用鳩。泥之用輶。山之用粟。因其勢也。

晉輿服志曰。聖人見鳥獸容貌。草木英華。始創衣冠。而玄黃殊采。見秋蓬孤轉。杓觴旁建。乃作輿輪。而方圓異則。遇物成象。觸類興端。

王褒曰。巧冶鑄干將之樸。清水淬其鋒。越砥斂其鐔。水斷蛟龍。陸割犀革。

建文御書怡老堂。髹几玉杖。賜董倫謝表曰。桓榮設几杖於太常。而不聞有宸翰之賜。晏殊題舊學於神道。而不見有几杖之頒。自今將杖以戒。噓則當思四海或有饑餒之民。憑几以安身。則當念一物或有失所之嘆。

宣廟因寧王求鐵笛。言曰。古人謂笛者滌也。所以滌邪穢。納之於正。

丘濬論器械之利曰。天祚國家。錫以自古所無之兵器。五兵而加以一。五行而用其三。可以代矢石之施。

可以作鼓角之號。可以通斥埃之信。一物而三用具。烏。嗚呼奇矣哉。

宮室

豐爻曰。豐其屋。蔀其家。○繫辭曰。上古穴居而野處。後世聖人易之以宮室。上棟下宇。以待風雨。

小雅鴻鴈曰。之子于垣。百堵皆作。雖則劬勞。其究安

宅。○大雅緜曰。揀音俱投土之隩隩音仍有度之薨

薨。築之登登。杵聲也削屢馮馮。牆堅也百堵皆興。磬音鼓

弗勝。○小雅斯干曰。築室百堵。西南其戶。爰居爰處。

風雨攸除。○如鼓斯翼。如矢斯棘。如鳥斯革。如翬斯飛。

左傳。孟文子曰。夫位。政之建也。署。位之表也。車服。表之章也。宅。章之次也。祿。次之食也。君議五者以建政。為不易之故也。今有司來命。易臣之署與其車服。而曰。將易而次。為寬利也。夫署所以朝夕處。君命也。臣立先君之署。服其車服。為利故而易其次。是辱君命也。不敢聞命。若罪也。則請納祿與車服。而違署。唯里人之所命次。○邱敬子曰。先臣惠自以命於司里。嘗

禘烝享之所致君胙者有數矣。出入受事之幣以致君命者亦有數矣。今命臣更次於外。為有司之以班命事也。無乃違乎。請從司徒。以班徒次。○楚子與伍舉登章華之臺。曰臺美夫。伍舉曰夫美也者。上下內外大小遠近。皆無害焉。故曰美。若美於目觀。縮于財。是聚民利以自封而瘠民也。胡美之為。夫國君者將民之與處。民實瘠矣。君安得肥。○臣聞國君服寵以為美。安民以為樂。聽德以為聰。致遠以為明。不聞其以土木之崇高彫鏤為美。而以金石匏竹之昌大囂庶為樂。不聞其以觀大視侈淫色以為明。而以察清濁為聰也。○德義不行則邇者騷離而遠者距違。故先王為臺榭也。榭不過講軍實。臺不過望氛祥。故榭度於大卒之居。臺度於臨觀之高。其所不奪穡地。其為不匱財用。其事不煩官業。其日不廢時務。瘠饒之地。於是乎為之。城守之木。於是乎用之。官寮之暇。於是乎臨之。四時之隙。於是乎成之。夫為臺榭將以教民利。不知其以匱之也。○凡土功。龍見而戒事。火見而致用。水昏正而栽。日至而畢。○什費則國貧。役煩

則民叛。締構彫琢輪奐之功盛。則若儉純茂之德衰。曲禮曰。君子將營宮室。宗廟為先。廡庫為次。居室為後。○禮器曰。天子之堂九尺。諸侯七尺。大夫五尺。士三尺。天子諸侯臺門。○檀弓曰。美哉輪焉。美哉奐焉。歌於斯。哭於斯。聚國族於斯。

國語。智襄子室美。士茁曰。志有之。高山駿原。不生草木。松柏之地。其土不肥。今土木勝。吾惧其不安人也。管仲曰。夫國城大而田野淺狹者。不足以養其民。城大而人民寡者。其民不足以守其城。宮營大而室屋寡者。其室不足以實其宮室。屋衆而人徒寡者。其人不足以處其室。困倉寡而臺榭繁者。其藏不足以供其費。

蔡邕獨斷曰。天子之階曰陛下。所在曰行所。所居曰禁中。后曰省中。印曰璽所。至曰幸所。

漢。陳蕃年十五。閑處一室。庭宇蕪穢。同郡薛勤往候之。曰。孺子何不掃除以待賓客。蕃曰。大丈夫處世。當掃除天下。安事一室。

桓寬曰。夫高堂邃宇。廣夏洞房者。不知專屋狹廬上。

古今類聚 卷十一
漏下濕者之瘤也。廣第唐園良田連比者。不知無運
踵之業。竄頭宅者之役也。

宋范仲淹曰。人苟有道義之樂。形骸可外。况居室哉。
吾今年踰六十。生且無幾。乃謀樹第治圃。願何待而
居乎。吾之所患。在位高而難退。不患退而無居也。且
西都士大夫園林相望。為主人者。莫得常遊。而誰獨
障吾游者。豈必有諸已者。而後為樂邪。

高皇帝謂中書省臣曰。昔堯之時。茅茨土階。采椽不
斲。可謂極陋。然千古之上。稱德者必以堯為首。後世
競為奢侈。極宮室苑囿之娛。窮輿馬珠玉之玩。欲心
一縱。亂由是起。吾嘗謂珠玉非寶。節儉為貴。宮室但
取完固而已。何必極雕巧以殫天下之力也。

飲食

需象曰。君子以飲食宴樂。○爻曰。需於酒食。○頤象
曰。頤貞吉。養正則吉也。觀頤。觀其所養也。自求口實。
觀其自養也。○漸爻曰。鴻漸于磐。飲食衎衎。衎衎和
樂意

○既濟爻象曰。飲酒濡首。亦不知節也。
酒誥曰。我民用大亂喪德。亦罔非酒惟行。越小大邦

用喪亦罔非酒惟辜。○文王誥教小子有正有事無
彝酒越庶國飲惟祀德將無醉。

小雅車牽曰雖無旨酒式飲庶幾雖無嘉穀式食庶
幾。○魚麗曰物其多矣維其嘉矣物其旨矣維其偕
矣物其有矣維其時矣。○大雅行葦曰或獻或酢洗
爵奠斝醢音醢以薦或燔或炙嘉穀脾臄音臄。○韓奕
曰清酒百壺其殽維何魚鱉鮮魚其菽維何維荀及

蒲菽音速菜也

左傳景伯曰晉范鞅貪而棄禮以大國懼敝邑故敝

邑十一牢之君若以禮命諸侯則有數矣若亦棄禮
則有淫者矣周之王也制禮上物不過十二以為天
之大數也今棄周禮而曰必百牢亦唯執事。○武子
曰小國之事大國也苟免於討不敢求貺得貺不敢
三獻今豆有加下臣弗堪無乃戾也。○酒以成禮不
繼以淫義也以君成禮弗納於淫仁也。○晉荀吳曰
有酒如淮有肉如坻齊侯曰有酒如澠有肉如陵。
禮運曰夫禮之初始諸飲食其燔黍捭音捭豚汙尊而
杯飲簣桴而土鼓猶若可以致其敬於鬼神。○郊特

牲曰。凡飲養陽氣也。凡食養陰氣也。○樂記曰。夫黍
豕為酒。非以為禍也。而訟獄益繁。則酒之流生禍也。
是故先王因為酒禮。壹獻之禮。賓主百拜。終日飲酒
而不得醉焉。此先王之所以備酒禍也。故酒食者。所
以合歡也。樂者。所以象德也。禮者。所以綴淫也。○聘
義曰。酒清。人渴而不敢飲也。肉乾。人饑而不敢食也。
日莫人倦。齊音齋莊正齊而不敢懈惰。○內則曰。肉曰
脫之。魚曰作之。棗曰新之。栗曰撰之。桃曰膽之。柰
曰攢之。○春宜羔豚膳膏音梁。夏宜腍音梁。梁音梁。搜膳膏臊。

秋宜犢麋。冬宜鮮羽。膳膏膾。

國語曰。郊禘之事。則有全烝。王公立飫。則有房烝。親
戚晏享。則有殺烝。

呂覽曰。水居者腥。肉獲者臊。草食者羶。臭惡猶美。皆
有所以。凡味之本。水最為始。五味三材。九沸九變。火
之為紀。時疾時徐。戒腥去臊除羶。必以其勝。無失其
理。調和之事。必以甘酸苦辛鹹。先後多少。其齊甚微。
皆有自起。鼎中之變。精妙微纖。口弗能言。志弗能喻。
若射術之微。陰陽之化。四時之數。故久而不弊。熟而

不爛。甘而不濃。酸而不酷。鹹而不臠。辛而不烈。澹而不薄。肥而不膩。

陸賈新語曰。夫酒池可以泛舟。糟丘可以望遠。豈貧于財哉。然卒不能自守。乃仁義之不存故耳。

論衡曰。傳語文王飲酒千鍾。孔子百觚。言聖人德盛。能以德將酒也。如一坐千鍾百觚。此酒徒。非聖人也。案酒誥之篇。朝夕曰祀茲酒。此言文王戒慎酒也。朝夕戒慎。則民化之。出戒慎之教。內飲酒盡千鍾。導民率下。何以致化。承紂疾惡。何以自別。且千鍾之效。百

觚之驗。何罔用哉。使文王因祭用酒乎。則受福。昨不能厭飽。因饗射之用酒乎。饗射飲酒。自有禮法。如私燕賞。賜飲酒乎。則賞賜飲酒。宜與下齊。賜尊者之前。三觴而退。過於三觴。醉酌生亂。文王孔子。率禮之人也。賞賚左右。至於酌亂。身自用酒。千鍾百觚。大之則為桀紂。小之則為酒徒。用何以立德成化。表名垂譽乎。世聞德。將無醉之言。見聖人有多德之效。則虛增文王以為千鍾。空益孔子以百觚矣。

譚子曰。牛。可使之駕。馬。可使之負。犬。可使之守。鷹。可

使之擊。蓋食之感也。獼猴可使之舞。鸚鵡可使之語。鷓鴣可使之死。鬪。螻蟻可使之合戰。蓋食有所教也。魚可使之吞鈞。虎可使之入陷。鴈可使之觸網。敵國可使之自援。蓋食有所利也。天地可使之交泰。神明可使之掖衛。高尚可使之屈折。夷狄可使之委伏。蓋食有所奉也。故自天子至於庶人。暨乎萬族。皆可以食而通之。

齊丘子曰。民有嗜食而飽死者。有婪音焚食而餒死者。有感食而義死者。有辱食而憤死者。有爭食而鬪

死者。人或笑之。食之迷也。

說林曰。味之美者。洞庭之鱒。東海之鮑。和之美者。陽濮之薑。招搖之桂。

漢食貨志曰。酒者天之美祿。帝王所以頤養天下。享祀祈福。扶衰養老。百福之會。非酒不行。

桓寬曰。安者不能恤危。飽者不能食饑。故餘梁肉者。難為言隱約。處逸樂者。難為言勤苦。○被紈躡韋。皮也

搏梁鬻肥者。不知短褐之寒。糖糒之苦也。從容房闈之間。再拱持案食者。不知蹠耒躬井者之勤也。

古今類用 卷十一
宋孔琳之議曰。所甘不過一味。而陳必方丈。適口之外。皆為悅目之費。富者以之示夸。貧者為之單產。

裴潏曰。夫人食味。別聲被色而生者也。味以行氣。氣以實志。水火鹽梅以烹魚肉。宰夫和之。齊之以味。君子食之。以平其心。夫三牲五穀。稟五行以生也。發為五味。天地生之。所以奉之。聖人節調。以致康彊。

宣廟因光祿官竊減外夷供給。謂侍臣曰。毋謂飲食細故。不干大體。昔華元殺羊享士。羊斟不與。遂致喪師。勾踐投醪於江。與衆共飲。人心感悅。遂成霸業。

